



**Pravilnik
o dodjeli jednokratne pomoći za novorođeno dijete na području
općine Ilidža**

maj 2019.godine



Na osnovu člana 15. Stav (1) alineja (2) Zakona o principima lokalne samouprave u F BiH ("Službene novine F BiH" broj: 49/06 i 51/09), člana 90. Statuta Općine Ilidža-prečišćen tekst ("Službene novine Kantona Sarajevo" broj:33/10 i 18/16) i Odluke o izvršenju Budžeta Općine Ilidža za tekuću godinu Općinski načelnik donosi

PRAVILNIK

o dodjeli jednokratne pomoći za novorođeno dijete na području općine Ilidža

Član 1.
(Predmet pravilnika)

Ovim Pravilnikom utvrđuje se pravo na jednokratnu novčanu pomoć za svako novorođeno dijete, njena visina, postupak i način ostvarivanja prava, način finansiranja i druga pitanja od značaja za priznavanje prava.

Član 2.
(Izvor sredstava)

Sredstva utvrđena na ekonomskom kodu 614200- grant pojedincima za jednokratnu pomoć za svako novorođeno dijete raspoređuje Općinski načelnik odlukom na prijedlog Službe za rad, socijalna pitanja, zdravstvo, izbjeglice i raseljena lica u skladu sa utvrđenim kriterijima, a na osnovu podnesenih zahtjeva putem Centra za pružanje usluga građanima općine Ilidža).

Član 3.
(Ostvarivanje prava)

Pravo na jednokratnu novčanu pomoć za svako novorođeno dijete u iznosu od 200,00KM (dvijestotinekvertibilnihmaraka) priznaje se:

- a) Ukoliko jedan od roditelja djeteta ima prijavljeno prebivalište na području općine Ilidža i to u trajanju najmanje godinu dana prije rođenja djeteta;
- b) Ukoliko majka novorođenog djeteta ima boravište na području općine Ilidža i utvrđen status raseljene osobe u trajanju od jedne godine prije rođenja djeteta.



Član 4.
(Potrebna dokumentacija)

Podnosioci zahtjeva koji ispunjavaju kriterije za ostvarivanje prava prilikom podnošenja zahtjeva na propisanom obrascu dužni su dostaviti sljedeću dokumentaciju:

- a) Kopiju lične karte;
- b) Uvjerenje o kretanju za oba roditelja (ukoliko se iz lične karte ne može utvrditi da imaju prebivalište na području općine Ilidža najmanje godinu dana prije podnošenja zahtjeva za ostvarivanje prava;
- c) Prijava prebivališta za oba roditelja;
- d) Izvod iz matične knjige rođenih za dijete;
- e) Tekući račun.

Član 5.
(Podnošenje zahtjeva i redosljed rješavanja)

- 1) Rok za podnošenje zahtjeva za ostvarivanje prava iz člana 3. ovog Pravilnika je 60 (šesdeset) dana od dana rođenja djeteta.
- 2) Novčana pomoć će se dodjeljivati na osnovu podnešenog zahtjeva i po redosljedu primljenih zahtjeva a do utroška obezbjeđenih sredstava u Budžetu za tekuću godinu.

Član 6.
(Stupanje na snagu)

Ovaj Pravilnik stupa na snagu narednog dana od dana objavljivanja na web stranici Općine Ilidža.

Broj: 02-02-2193/19
Ilidža, 23.05.2019

Općinski načelnik
Prof. dr. Stjepan Memić

